

17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44

隸



98910


2

古492.30

172.2

2





隸釋卷第二十二

歐陽氏集古



王元賞碑

元節碑

竹邑侯相張壽碑

無名碑

司隸楊君碑

孔君碑

費府君碑

樊毅華嶽碑

北嶽碑

碑陰題名

慎令劉君墓碑

伯著碑

袁良碑

王稚子闕

堯祠碑

碑陰題名

張公廟碑

碑陰題名

西嶽華山廟碑

孔德讓碣

孔宙碑陰題名

楊震碑陰題名

唐君碑

熊君碑

敬仲碑

衡方碑

俞鄉侯季子碑

堯祠祈雨碑

景君碑景君石郎銘附

邨閭頌

費鳳碑

魏受禪壇碑

魏公卿上尊號表

王元賞碑

右王元賞碑六君諱某完元賞御史君之孫
 茂材君之子也歷秦及漢有國有家宰相牧
 守踵武相襲又曰遭父喪以孝立祿土堦環
 堵魚菜並授門徒兩集盛於洙泗又云郡察
 孝廉郎中謁者宛陵丞封丘令母憂去官服
 祥辟司空府延熹四年五月辛酉遭命而終
 其文字磨滅隱隱可見者如此其名既亡又
 不序其姓惟其銘云於惟王君以此知其姓

王尔治平元年五月二日書

元節碑

右元節碑文字磨滅不見其氏族其可見者
纔數十字尔云君諱立字元節其先出自伊
尹其餘不復戒文其銘云於穆從事疑其姓
伊而為從事也碑無年月而知為漢人者以
其隸体與他漢碑同尔治平元年五月二日
書

竹邑侯相張壽碑

右竹邑侯相張壽碑云君諱壽字仲吾其光
晉大夫張老盛德之裔孝友恭懿明允篤信
博物多識略涉傳記臨疑獨照確然不撓有
孔甫之風舉孝廉除郎中給事謁者遷竹邑
侯相年八十建寧元年五月辛酉卒其大畧
可見者如此其餘殘闕或在或亡亦班班可
讀尔治平元年端午日書

無名碑

右無名碑文字磨滅其姓氏名字皆不可見

其僅可見者云州郡課最臨登大郡又曰若
喪致哀曾參閔損又曰辟司隸從事拜治書
侍御史又曰奮乾剛之嚴威楊虎虎之武節
又曰年六十三光和四年閏月庚申遭疾而
卒其余字畫尚字者多但不能成文尔夫好
古之士所藏之物未必能遠世之用惟其埋
沒零落之余尤以為可惜此好古之癖也治
平元年六月五日書

司隸楊君碑

右司隸校尉楊厥碑云惟坤靈定位川澤服
躬澤有所注川有所通余谷之川其澤南隆
八方所達益域為克高祖受命興于漢中道
由子午出散入秦建定帝位以漢詆焉後以
子午塗路澁難更隨圍谷復通當光元此四
道垓萬允艱至于永平其有四年詔書開余
鑿通石門中遭元二西夷虐殘橋梁斷絕子
谷復循於是故司隸校尉健為武陽楊厥字
孟文深執忠伉數上奏請廢子由斯得其度

經至建和二年漢中太守王升字稚紀嘉君
明知美其仁賢勒石頌德以明厥勛其辭大
畧如此其刻畫尚字可讀大極述厥修復斜
谷路尔但其用字簡省復多舛繆惟以从為
坤以余為斜漢人皆尔獨詁字未詳永平明
帝建和栢帝年號也

孔君碑

右孔君碑其名字磨滅不可見而世次官闕
粗可考云孔子十九代孫潁川君之元子也

舉孝廉除郎中博昌長遭太守君憂服竟拜
尚書侍郎治書御史博陵太守遷下邳相河
東太守建寧四年十月卒其余文字歷歷可
讀以其斷絕處多文理難續故不復盡錄然
其終始略可見矣惟其名字皆亡為可惜也
治平元年五月十日書

費府君碑

右梁相費府君碑其名字若云諱况字仲慮
而况疑為汎慮疑為寬其官闕可見者為蕭

令九年沛有蝗獨不入其界國以狀聞朝廷
嘉諸拜梁相春秋八十卒其銘頗簡而粗字
云穆、顯祖厥德懿鏗播勛於前至碩基業
遺愛於民福流後祚自此八字已滅不可識
卒章云功烈休矣來昆戮力而穆為穆古文
多如此也熙寧二年十一月十六日山齋書

樊毅華岳碑

右樊毅華岳碑云泰華之山削成四方其高
五千仞廣十里周禮識方氏華謂之西岳祭

視二公者以能興雲雨產萬物通精氣有益
於人則祀之故帝舜受堯親自巡省暨夏啓
周末之有改秦違其典璧遺鄆池二世以亡
漢祖應運禮遵陶唐祭則獲福亦世克昌亡
新福逆鬼神不享建武之初隼掃頑凶光
和二年有漢元舅五猴之曹謝陽之孫曰樊府
君諱毅字仲德命守斯邦孟冬十月齋祠西
岳以傳窄狹不足處尊卑廟舍舊久墻屋傾
壓特部行事荀班縣令光謹以漸補治此其

事也又云功曹郭敏等遂刊玄石銘勒鴻勳
其字畫頗完其文彬彬可喜惟以周禮職方
為識方氏其字畫分明非訛闕疑當時周禮
之學自如此蓋識誌其篆皆通也治平元年
五月十日書

北岳碑

右北嶽碑文字殘滅尤甚莫詳其所載何事
第其隱隱可見者曰光祿四年以此知為漢
碑耳其文斷續不可次序多言珪璽牲酒黍

稷豐穰等事似是禱賽之文其後有二人姓
石偶可見云南陽冠軍馮巡字季祖甘陵夏
方字伯陽其餘則莫可考矣治平元年五月
十日書

碑陰題名

右碑陰題名在闕鄉楊震墓側文字磨滅不
復可考其僅可見者曰候長沔陰趙遺子宣
候上臧一字又曰故督郵曹史縣功曹鄉部
吏柏昱等人名鄉上又臧一字又曰西鄉亭

長柏呈子政又曰鄉亭長翟國相如鄉上又
臧一字又曰麟都亭長陰定安定谷口亭長
方文雅方上又臧一字東門亭長梁忠子孝
四望亭長吳鴻子名麟武亭長當嵩君宣其
余闕裂不字蓋楊氏子孫當時皆葬闕鄉碑
碣往之磨臧此不知為誰碑也治平元年五
月二十日謝雨致齋于太社書

慎令劉君墓碑

右慎令劉君墓碑在今南京下邑其名已磨

臧其字伯麟少罹艱苦身服田畝舉孝廉除
郎中辟從事司徒掾遷慎令卒年六十有一
其銘曰於惟君德忠孝正直至行通洞高明
柔克鬼神福謙受茲介福知命不延引輿旋
歸忽然輕舉志激拔葵人皆有亡貴終譽兮
歿而不朽垂名著兮余家漢碑常惠其銘多
闕臧而斯銘偶字故錄之

伯著碑

右伯著碑者在今宿州出於近歲蓋官部春

夫開汴渠於泥沙中掘得之其文字古恠而磨滅無首尾了不可讀伯著不知為何人其僅可見者云渤海君玄孫季景長子也其事迹不可考文辭莫曉而字畫不工徒以其右恠錄之此誠好古之槩也治平元年七月三十日

袁良碑

右袁良碑云君諱良字鄉上 一字臧陳國扶樂人也厥先舜苗世為封君周興虞闢父

自此而臧又云端為陽侯至玄孫濤塗以字立姓曰袁自此又臧又云當秦之亂隱居河洛高祖破項寔從其策天下既定還宅扶樂蓋不知為何人也又云孝武征和三年曾孫斬賊先勇拜黃門郎曾孫臧其名賊不亦臧一字又曰封閔內侯食遺鄉六百戶薨子經嗣經薨子山嗣傳國王世至王莽而絕君即山之曾孫也舉孝廉郎中謁者將作大匠丞相令廣陵太守討江賊張路等威震徐方謝

病歸家孝順初下數字臧又云府舉君拜
議卽符節令其後又云永建六年二月卒其
碑首題云漢故國三老袁君碑而碑文有使
者持節安車又有几杖之尊祖割之養君實
饗之語以此知良嘗為三老矣其餘磨臧
雖時可讀而不能次第也又云帝御九龍
殿引對飲宴九龍殿名惟見於此治平元年
五月二十九日夏至假書

王稚子闕

右漢人闕銘二其一曰永樂少府賈君闕其
一曰雒陽令王君闕二者皆不知為何人按
漢書栢帝母孝崇皇后居永樂宮和平元
年詔置太僕少府如長樂故事人按顏師古
注地理志曰魚豢云漢火行忌水故去洛水
加雒師古謂光武以後始改為雒然則二人
者皆後漢時人也又按漢官儀長樂少府以
宦者為之則賈君蓋亦宦者也治平元年九
月十五日書

堯祠碑

右堯祠碑在濟陰碑云帝堯者蓋昔世之聖
王也又曰聖漢龍興纂堯之緒祠以上犧至
于王莽絕漢之業而壇場夷替屏攝無位大
桓文字磨滅字雖可見而不復成文其後有
云李樹蓮理生於堯祠太守河南張寵到官
始初出錢二千敬致禮祠其餘不能讀也碑
後有年月蓋熹平四年建也治平元年五月
晦日書

碑陰題名

右碑陰題名不知為何人碑余家集錄古文
既多或失其所得之自然漢碑存于今者惟
華岳與孔子廟最多其陰往往列修廟人姓
名并記其所出錢數不過三百至五百今斯
碑所題文字闕滅而中間有錢各五百四字
則字是修廟人所記其人可見者有濟陰定
陶蔡顯子盛山陽金鄉張諺李德河南宛陵
趙堂世萇南陽南鄉鄧升之遠濟陰成武周

鳳季節而其餘人姓名邑里多不完又時
有故吏字不知為何人祠廟第以漢隸難得
錄之尔治平元年閏五月八日書

張公廟碑

右張公廟碑在黎陽而碑無題首又其文字
殘滅不可考究莫知為何碑第時時得其字
之可識而僅成文者曰惟和
平元年正月丙寅
和平相帝年號以此知為漢碑也人曰豐
碑廟堂之前又曰於穆張公則又知為張公

廟碑矣又云國無災寇屢獲豐年作歌九章
頌公德芳其辭有云公與守相駕蜚魚往來
倏忽遠熹娛祐此兆民寧厥居其餘字畫尚
完者甚多但不成文爾治平元年閏五月九
日書是日奏事乘輿退召赴延和閣謝契丹
礼物遂歸休

碑陰題名

右碑陰題名二皆不知為何碑陰其人各記
所出錢數似是漢時修廟人題名余家集錄

華嶽及孔子廟碑多如此。亦疑是二廟中
碑前碑殘滅尤甚。弟時有門生濟南東郡守
字而姓名無復。守者後碑則有議曹功曹騎
吏有蓮勺左鄉有秩池陽左鄉有秩池陽集
丞有秩皆不知是何名號。又有夏陽侯長投
綏侯長則是縣吏之名。其隸字不甚精。又無
事實可考。姑錄其名號以俟之者。爾治平元
年閏五月九日書

西嶽華山廟碑

右西嶽華山廟碑文字尚完可讀。其述自漢
以來高祖初興改秦淫祀太宗承循各詔有
司其山川在諸侯者以時祠之孝武皇帝修
封禪之禮巡省五岳立宮其下宮曰集靈宮
殿曰存仙殿門曰望仙門仲宗之世使者持
節歲一禱而三祠後不承前至于七新寢用
丘虛建武之元事舉其中禮從其省但使二
千石歲時往祠自是以來百余年所立碑石
文字磨滅延熹四年弘農太守袁逢修廢起

頓易碑飾闕會遺京兆尹孫府君到欽若嘉業遵而成之孫府君諱璆其大略如此所謂集靈宮者他書皆不見惟見此碑則余之集錄不為無益矣治平元年閏月十六日書

孔子讓碣

右孔子讓碑蓋其名已磨滅但云字德讓者宣尼公二十世孫都尉君之子也仕歷颯龍曹史年二十永興二年七月遭疾不祿碑在今兗州孔子墓林中永興孝栢帝年號也其

人早卒無事蹟可考余集錄所藏孔林中碑晨後得此遂無遺者蓋以其文字簡少無事實故世人遺而不取獨予家有之也治平元年閏五月二十日書

孔宙碑陰題名

右孔宙碑陰題名溪世公卿多自教授聚徒當數百人其親授業者為弟子轉相傳授者為門生今宙碑殘闕其姓名邑里僅可見者總六十二人其稱弟子者十人門生者四十

三人故吏者八人故民者一人宙孔子十九
世孫為太山都尉自有錄治平元年閏五月
二十一日書

楊震碑陰題名

右楊震碑陰題名者一百九十人具余磨滅
不字者又十余人余家所錄漢碑陰題名頗
多或稱故吏門生弟子或稱從事曹掾之類
其人皆著州縣邑里名字甚詳獨此碑所書
簡略直云河間賈伯錡博陵劉顯祖之類九

百九十人者皆然疑其所書皆是字尔蓋後
漢時人見于史傳者未嘗有名兩字者也漢
隸世所難得幸而在者多殘滅不字獨此碑
刻畫完其而隸法尤精妙甚可喜也治平元
年中伏日書

唐君碑

右唐君碑其名已磨滅其字正南云隸川郎
人也其先出自慶都感赤龍生堯王有天下
苗胄拔分相土視居因氏唐烏君父孝廉郎

中早卒君繼厥緒軌道如古敷書味詩守舜
陽丞隸陽令察能治劇遷豫章其後遂復磨
滅文字班：可見而不能得其次序其後又
云換君昌陽令吏民慕戀牽君車論不得行
君臣派涕道路琅玕是故從事郎掾刊石樹
頌歌君之美愾此蓋縣令去思碑尔其後又
云光和六年二月壬午朔二十五日丙午則
知唐君為後漢時人矣治平元年閏五月二
十八日書

熊君碑

右熊君碑云君諱喬字舉之上臧一字其官
闕不可詳考其僅可知者劉表時為緩民校
尉後遷騎都尉建安二十一年卒享年七十
有一其辭有云治歐羊尚書其字非記闕而
以陽為羊蓋故文字少故須假借至漢字已
備而猶假用伊哉後云太歲在申之上臧一
字以曆推之當是丙申又云碑師春陵福造
福上臧一字當是其姓其書顯字皆為顯按

許慎說文顯從顯聲而轉為累其失遠矣莫
曉其義也熙寧二年十月晦日山齋記

敬仲碑

右敬仲碑者其姓名字皆不可見惟其初有
敬仲二字尚可識故以寓其名爾蓋疑其人
姓田氏也大桓文字磨滅比其他漢碑尤甚
字可識者頗多弟不成文爾惟云州郡課最
臨登大郡又云居喪致哀又云司隸從事治
書侍御史又云光祐四年閏月庚申此數司

粗可讀爾其餘字畫塵字者以漢隸今為難
得錄之爾治平元年閏五月二十九日書

衡方碑

右衡方碑云府君諱方字興祖其光伊尹在
殷號稱阿衡因而氏焉又曰州舉孝廉除郎
中即立侯相膠東令州舉尤異遷會稽東部
都尉又拜議郎北平太守遷潁川太守又曰
拜步兵校尉年六十有三建寧元年二月五
日癸丑卒於是海內門生故吏永嘉石樹靈

碑鐫茂伐祕將來此其始終之大畧其餘歷
、可見而時亦磨滅以其文多不備錄也治
平元年六月三日書

俞鄉侯季子碑

右俞鄉侯季子碑云君諱熊字孟、下闕一
字廣陵海西人也厥祖天皇大帝垂精接感
篤生聖明子孫享之分源而流枝葉扶疎出
王別胤受爵列土君光武皇帝之玄廣陵王
之孫俞鄉侯之季子也申是而後文字闕滅

其稍、可讀者時得其一二云六籍五典如
源如泉既練州郡卷舒委隨化流南城政猶
北辰三祀有戒來臻戒邦仁恩如冬日威猛
烈炎夏吏民愛若慈父畏如神明其後又云
采摭謠言作詩三章據碑文無卒葬年月而
其辭若此似是德政碑按後漢書光武皇帝
子曰廣陵思王荆、子元壽等四人皆封鄉
侯而不載其名俞鄉侯者不為、思王荆之
第幾子也治平元年六月五日書

堯祠祈雨碑

右堯祠祈雨碑首尾殘滅其僅可識者有云
朕肱賢良廣祈多福度、夙夜人云常以甲
子日詔太常陳上古之禮舞先王之樂人云
延熹十年仲春二月陽氣侵陰又云享祀辟
神仰瞻雲漢又云嘉樹優沾利茂萬物又云
孟府君知堯精靈與天通神修治大殿以此
知為祈雨於堯祠也堯祠在漢濟陰郡孟府
君者當是濟陰郡太守也其餘隸字字者頗
多亦往、成句但斷絕不可次序尔治平元
年六月六日書

景君碑

右景君碑尤磨滅惟謁者任城景君數字尚
字其余班、可見者皆不能成文故其年世
壽考功行卒葬莫可考也蓋漢隸今尤難得
其磨滅之餘可惜尔熙寧二年十月晦日山
齋書。

景君石郭銘附

右景君右郭銘余既得前景君碑又得此銘
皆在任城不知一景君乎將任城景氏之族
多耶文字磨滅不可考故附于此熙寧三年
正月朔旦山齋記

邨閣頌

右析里橋邨閣頌建寧五年立云惟斯析里
處漢之右溪源漂疾橫柱于道涉秋霖漉稽
滯高旅休謁往還常夫日畧行理咨嗟郡縣
所苦斯溪既然邨閣尤甚臨深長淵三百余

丈接木相連號為萬柱遭遇隋納人物俱隋
沉沒洪淵酷烈為禍於是太守河陽李君諱
會字伯都以建寧三年二月辛巳到官思惟
惠利有以綏濟聞此為難其日久矣乃俾府
掾仇審改解危殆即便求隱析里大橋于尔
乃造又驛散關之嶮深徒朝陽之平塲滅西
高閣就安寧之石道禹導江河以靖四海經
紀厥績艾康萬里乃作頌曰頌後又有詩皆
磨滅不字其云遭遇隋納又云驛散關之嶮

漂徒朝陽之平慘刻畫適字非其訛謬而莫
詳其義疑當時人語與今異又疑漢人用字
簡略假借不同爾故錄之以俟博識君子治
平元年六月十日書

費鳳碑

右費鳳碑云字伯蕭梁相之元子也漢安二
年舉孝廉拜郎中除陳國新平長又云試守
故障長其文班々可見而卒葬年壽皆不載
其後悉為五言韻語其略曰不悟奄忽終藏

形而匿景耕夫釋耒耜桑女投鉤莒道阻而
且長坐起淚如雨其文既非工故不悉錄熙
寧二年十一月十六日山齋書

魏受禪壇碑

右魏受禪碑世傳為梁鵠書而顏真卿又以
為鍾繇書莫知孰是按漢獻帝紀延康元年
十月乙卯皇帝遜位魏王稱天子又按魏志

是歲十一月癸丑卒死亡者猶稱令是月丙
午漢帝使張惜奉璽綬庚午王升壇受禪又

是曰癸酉奉漢帝為山陽公而此碑云十月
辛未受禪于漢三家之說皆不同今據裴松
之注魏志備列漢魏禪代詔冊書令群臣奏
議甚詳蓋漢實以十月乙卯策詔魏王使張
悌奉璽綬而魏王辭讓往反三四而後受也
又據侍中劉廙奏問太史令許芝今月十七
日己未可治壇場又據尚書令栢階等奏云
軌下太史令擇元辰今月二十九日可登壇
受命蓋自十七日己未至二十九日止得辛

未以此推之漢魏二紀皆謬而獨此碑為是
也漢絕乙卯遜位者書其初命而畧其辭讓
往反遂失其實爾魏志十一月癸卯猶稱令
者當是十月衍一字爾丙午張悌奉璽綬者
辭讓往反容有之也惟庚午升壇最為謬爾
癸卯去癸酉三十一日不得同為十一月此
尤謬也禪代大事也而二紀所書如此則史
官之失以惑後世者可勝道哉嘉祐八年九

月十七日書


魏公卿上尊號表

右魏公卿上尊號表唐賢多傳為梁鵠書今人或謂非鵠也乃鍾繇書尔未知孰是也嗚呼漢魏之事讀其書者可為之流涕也其巨碑偉字其意惟恐傳之不遠也豈以後世為可斯歟不然不知耻者無所不為乎

右歐陽公集古錄二卷公名修字永叔廬陵人平生嗜古有歷代石刻一千卷軸而藏之撮其大要為之說既刻而傳于世矣

嘉祐治平年公在政府時又各書其卷尾文或小異盖竄定有先後也凡說漢隸者今錄之張平子碑南陽秦君額皆篆也左右生題名非文翁學生也故去之其間姓名官稱歲月文辭考證之誤者視隸釋則可見也千卷之藏其傳不一再世而靡有子遺矣聚之難而散之易如此惜哉

隸釋卷第二十二



隸釋卷第二十三

歐陽棐集古錄目

集云錄既成之八年家君命棐曰吾集錄前世埋沒缺落之文獨取世人無用之物而藏之者豈徒出于嗜好之僻而以為耳目之玩哉其為所得亦已多矣故嘗序其說而刻之又跋于諸卷之尾者二百九十六篇序所謂可與吏傳正其闕謬者已粗備矣若撮其大要別為目錄則吾未暇然不可以闕而不備也棐退而悉發千卷之藏而考之曰嗚呼可

謂詳矣。蓋自文武以來迄于五代盛衰得矣。賢臣義士姦雄賊亂之事可以動人耳目者。至于釋氏道家之言莫不皆有。然分散零落。數千百年而後聚於此則亦可謂難矣。其聚之既難則其久也。又將遂散而無傳。宜公之惜乎此也。于是各取其書撰之。人事迹之始終所立之時世而著之。為一十卷以附于跋尾之後。夫此千卷之書者刻之金石託之山崖未嘗不為無窮之計也。然必待集錄而後著者豈非以其繁而難于盡傳哉。故著其大略而不道其詳者公之志也。熙寧二年二月記。

沛相楊君碑

右不著書撰人名氏。楊君震之後也。孝順帝時以掾史君拜郎中。累遷沛相。建寧中字碑為隸。字首尾不字。失其名字矣。碑在閬鄉震墓側。

楊君碑陰題名

右不著書人名氏碑首尾不字今可見者四十
十余人各有所出錢數楊氏數世皆葬闔鄉
此碑有稱後公門生者有稱沛君門生者不
知何人碑陰也後公義不可知沛君所謂沛
相者也碑在陝府闔鄉

郭先生碑

右隸書不著書撰人名氏書字甚古蓋漢碑
也先生名輔字甫成荊州人碑在襄州穀城
縣

魏受禪壇記

右隸書不著書撰人名氏世傳以為鍾繇書
或以為梁鵠書魏文帝黃初元年為壇於繁
昌以受漢禪碑不著所立年月在許州魏文
帝廟中

魏文卿上尊號表

右不著書撰人名氏字與受禪壇記同漢既
禪位文帝未受魏相國安樂鄉侯華歆等上
表勸進碑在許州

楊震碑

右隸書不著書撰人名氏其前不字碑首題曰漢太尉楊公神道碑銘震安帝時位至太尉碑在陝府閿鄉縣

繁陽令楊君碑銘

右漢隸不著書撰人名氏殘缺不字不見其名字其可見者曰富波君之小子據楊震碑考之富波侯相名牧震之子也碑在陝府閿碑

高陽令楊君碑

右隸書不著書撰人名氏首尾不字不見名字據碑嘗為高陽令最後為善關上一字侯相而碑額但曰高陽令楊君碑據楊震碑高陽令名著震孫也碑在陝府閿鄉

文翁石柱記

右漢隸不著書撰人名氏初文翁為蜀郡守始立學校至安帝永初中以火災被焚惟廟門兩石闕獲存獻帝時太守高朕重修立之

又於其東別築周公禮殿碑以初平五年立
在益州

魏大享碑

右隸書不著書撰人名氏亳州圖經以為梁
鵠書魏文帝初即王位將伐吳南行至譙享
軍士耆老于故宅此碑其元年上兩字缺不
可見當為延康元年也在亳州魏帝廟中

魏魯孔子廟碑

右不著書撰人名氏字為隸書魏文帝黃初
二年封議郎孔羨為宗聖侯奉孔子祀詔魯
立廟置吏卒守衛魯人立此頌碑在兗州

樊常侍碑

右漢隸不著書撰人名氏常侍名安字子佑
南陽湖陽人官至中常侍追贈騎都尉此碑
并追贈制書同刻以迺熹三年立在唐州湖
陽縣

玄傳姜先生碑

右隸書不著書撰人名氏先生名壽字元考

南陽人隱居不仕以教授為業碑延熹中立
在光化軍乾德縣壽墓之側

老子銘

右漢陳相邊韶撰字為隸書不著名氏世以
為蔡邕書據碑延熹八年八月栢帝夢見老
子尊而祀之韶時典其禮因而為銘碑在亳
州衛真縣太清宮

曹騰碑

右漢隸不著書撰人名氏騰栢帝時官至中
常侍長樂大僕封費亭側追加兼諫議印綬
碑無所立年月在亳州

桂陽周府君碑

右漢隸不著書撰人名氏韶州圖經云郭蒼
撰初桂陽有瀧水人患其險太守下邳周憬
字君光顏山鑿石以通之迺熹三年故吏區
祉刻石以紀功并祉等故吏題名者二十二
人在韶州樂昌縣昌樂瀧上周君廟中

桐栢廟碑

右漢隸不著書撰人名氏南陽太守盧奴碑缺

姓不見君延熹六年重修桐栢碑廟作此頌桐

栢淮源也碑在鄧州

修西嶽廟復民賦頌

右隸書不著書人名氏漢弘農太守樊毅上

尚書表也毅使從事荀班華陰令先讜繕治

嶽廟并復華下十里民田租口美以其事表

上光和二也碑久埋沒唐興元元年華陰

令盧倣求得而為之記公分書于碑末在華

州

楊公碑陰題名

右漢隸無名氏題名可見者十五人皆稱故

吏在閩鄉楊氏墓側不知何人碑陰也并漢

殘碑題名附首尾殘缺存者四十余人又有

衛令修廟題名前字可見者曰朔方臨戎孫

羨太守仇君察孝廉遷衛令到官立祠刊石

其後刻時人姓名所出錢數然亦不言所立

為何祠也碑延熹五年立

朱龜碑

右不著書撰人名氏字為隸書龜字伯靈廣陵人官至幽州刺史碑以中平中立碑缺不在亳州

劉寬碑

右漢隸不著書撰人名氏寬字文饒弘農華陰人靈帝時官至太尉封通鄉侯謚曰昭烈此碑故吏李謙等所立在洛陽

劉寬碑

右漢隸不著書撰人名氏寬門生殷苞等立不知所立年月在洛陽

孫叔敖碑

右漢隸不著書撰人名氏叔敖事迹著于史傳然皆謂之叔敖而已獨此碑言其名饒叔敖乃字也其他事迹與史傳同延熹三年期思令光碑亡為之立廟及此碑在光州

穀阮神君碑

右漢隸不著書撰人名氏中條山有石隄樹

谷常湧溢為患故立穀阬泄其水注之於渭
自前漢時立廟以祠之其後阬稍堙塞廟亦
毀廢後漢鄭縣令裴暉字君光復後阬立廟
碑以光和四年立并縣丞夏龔等題名者六
十三人在華州鄭縣

樊毅修華岳廟碑

右隸書不著書撰人名氏據碑漢光和元年
弘農太守河南樊毅字仲德初至郡親祠西
岳以其齋室逼窄使縣令胸忍先讜繕治之
明年正月己卯而就立此碑在華州

祝睦碑

右漢隸不著書撰人名氏睦字元德濟陰已
氏人相帝時官至山陽太守碑以延熹七年
立在南京虞城縣

范式碑

右隸書不著書撰人名氏式字巨鄉山陽金
鄉人後漢時官至廬江太守獨行之士也此
碑文字斷缺其字及鄉里皆不可見魏青龍

三年縣長薛珪為之立廟建碑在金鄉

祝睦後碑

右漢隸不著書撰人名氏睦故吏王堂等所立其所敘述與前碑同在南京虞城縣

殘碑

右隸書今殘缺之余所存者數十字而有其名字曰高字幼德其他皆不可知也

修孔子廟器表

右隸書不著書撰人名氏據碑孔子舅顏氏

居魯親里妃并官氏居安樂里魯相河南京人韓勅字叔節復其里中繇役以尊孔子孔子廟所藏舊車見毀于秦項之際京修立宅廟造相桓瑟鼓之屬更作二輿時相帝永壽二年碑在兗州

泰山都尉孔君碑

右隸書不著書撰人名氏孔君名宙字季將孔子十九世孫後漢相帝時為泰山都尉以疾致仕碑以延熹七年立在兗州

吳雄修孔子廟碑

右隸書不著書人名氏其奏曰司徒雄司空
戒言魯前相瑗言孔子廟褒成侯四時祠已
即去有禮器無常人掌領乞置百石卒史出
王家錢給享禮元嘉三年奏制曰可司徒司
空下魯相承書從事選年四十通經藝者永
興元年相平等言司徒司空府陰文學掾魯
孔穌如牒并為贊刻于後吳雄河南人字季
直趙戒成都人字意伯瑗姓乙字少卿平原

高唐人碑在兗州

張表碑

右漢隸不著書撰人名氏表字元異嘗為冀
州從事後去官不仕而終碑以建寧中立在
異州

郭中侯碑

右隸書不著書撰人名氏中侯名已磨滅不
可見而字有其下一字曰竒河內汲人仕至
北軍中侯碑以建寧五年立在河陽

司隸從事郭究碑

右漢隸不著書撰人名氏究字長碑缺汲人也官至司隸從事碑以中平元年立在河陽

田君碑

右漢隸無書撰人名氏田君名字皆缺亡不可見東平陽人也延熹中太山琅邪盜起以選為費令碑以永康中立在沂州

克母碑

右隸書不著書撰人名氏克母慶都葬于戒

陽立黃屋其上謂之靈臺歷代常奉祠之至王莽而絕後漢故廷尉碑缺姓名請于朝復立其廟及濟陰太守審冕修營之以建寧五年立此碑在曹州濟陰

魯相晨孔子廟碑

右建寧二年魯相晨長史謙表言臣到官謁孔子宅而無公出酒脯之祠輒依社稷出王家穀春秋行礼以事上尚書并有銘辭皆隸書在兗州

楊君碑陰題名

右隸書凡故吏故民處云等百有全人在闕鄉楊氏墓側碑陰

無極山神廟碑

右隸書光和舊年太常航丞敏表上尚書言中山男子高廷等為無極山索法食乞少府給建壁制曰可後有銘子在定州

劉曜碑并陰

右隸書不著書撰人名氏曜字季尼東平無

鹽人俟至光祿能伴缺不灵其卒葬年月碑陰有門生故吏題名及所出錢數在鄆州

不經遺字

右古文篆隸一体凡八百二十九字後漢熹平中校定五經使蔡邕以三体書今其石亡失皆盡皇祐中有蘇望者得模本左傳于故相王文康家取其字者而刻之莫辯其真偽也在洛陽蘇氏家

小黃門譙君碑

右隸書不著書撰人名氏君名敏字漢達碑
以中平四年立

太尉劉公碑陰

右隸書故相國別部司馬王曜等數百人皆
有所出錢數劉寬故史共為寬立碑因記於
碑唐陰成享元年寬十五世孫湖成公爽重
立此碑又為記刻于後不著書人名氏又有
寬子松碑陰題名漫滅不見者今過半矣皆
在洛陽

武榮碑

右漢隸不著書撰人名氏榮字含和桓帝末
官至執金吾丞碑不書其鄉里及卒葬年月

郎中鄭固碑

右漢隸無書撰人名氏固字伯監延熹中仕
至郎中

武班碑

右不著撰人名氏嚴棋字伯魯隸書君名班
字宣下一字缺敦煌人碑以建和元年立今

其文字磨滅姓名鄉里粗得其髣髴而官爵
事迹皆不知可復知矣

魯峻碑

右隸書不著書撰人名氏峻字仲嚴高平昌
邑人官至屯騎校尉以病去位門生于高平
追謚曰忠惠父碑以熹平中立在今濟州

公昉碑

右不著書撰人名氏公昉戒固人碑不書其
姓名公昉乃字也耆舊相傳云公昉以王莽
居攝中及其妻子室屋牛馬皆升天後漢
中太守郭芝修其廟立此記不知所立年月
在興元

藁長蔡君頌

右不著書撰人名氏字為隸書君名堪字子
德河內修武人碑以光和中立在鎮府

郎中王君碑

右隸書不著書撰人名氏碑石剝缺其間可
見者曰季輔漢中太守之孫余不復可讀而

其額曰漢郎中王君銘故知其姓氏官闕耳

太尉陳球碑

右隸書不著書撰人名氏球字伯真後漢光和中位至太尉不知所立年月

北海相景君碑

右隸書不著書撰人名氏景君任城人嘗為北海相終於益州太守碑文歷歷可見而不著君之名字蓋北海故吏諸生之所立也漢安二年立任城

金鄉守長侯君碑

右隸書不著書撰人名氏君名成字伯盛山陽防東人碑以建寧二年立

王元賞碑

右隸書不著書撰人名氏碑以延熹四年立王君嘗為封丘令辟司空府元賞其字也碑已漫滅元賞之名及其鄉里皆不可見故以其字稱之

元節碑

右隸書不著書撰人名氏君名立字元節出於伊尹之後其姓氏爵里卒葬之年月皆不可辯然其隸字甚古所以知為漢碑也

張壽碑

右漢隸不著書撰人名氏壽字仲吾官至竹邑侯相碑以建寧元年立

無名碑

右隸書不著書撰人名氏漢司隸從事之碑以光和四年立文字缺滅亡其姓名鄉里故

謂之無名碑

司隸校尉楊君頌

右隸書不著書撰人名氏文為韻語然其事迹粗可考見其所頌者楊君復余谷之路也永平中始詔開余谷中間西羌亂道絕不通復由子午谷險阻為患司隸校尉犍為武陽楊厥孟文請廢子午道復由余谷建和二年漢中太守王升稚紀為之刻石頌德其所謂全谷者蓋斜谷也漢人用字多從省文如此

耳碑在興元

孔君碑

右隸書不著書撰人名氏孔君名缺不可識其字曰元上孔子十九世孫官至河東太守碑以建寧四年故吏王沛等立在兗州

費府君碑

右隸書不著書撰人名氏君名况字仲慮官至梁相碑不載其鄉里及刻石年月在今南京

樊毅碑

右隸書不著書撰人名氏漢光和二年前陰太守樊毅修嶽祠記也并唐貞元三年檢校太子庶子董叔經等十五人題名附在華州

北岳廟碑

右隸書不著書撰人名氏文字磨滅者多不可悉考其中間有稱光和四年元氏左尉上即瑋其意若瑋被選舉而立此銘以報神貺在定州

碑陰題名

右隸書殘缺不字其可見者數十人在陝府
閩鄉楊氏墓側

慎令劉君墓碑

右隸書不著書撰人名氏劉君名氏缺有其
字曰伯麟仕至慎令弃官終于家其卒葬之
年月缺滅不明而隱隱可見疑為建寧四年
也碑在南京下邑縣

周伯著碑

右其字畫如隸書而甚古怪又多磨滅不著
者莫知為何人其時世亦不可考但其文有
曰伯著者渤海君玄孫季景長子而其額曰
周末嗣其氏其字不識襲興上又缺一字渤海
君玄孫伯著之碑而已然則周亦非伯著
之姓也碑在宿州

袁良碑

右隸書不著書撰人名氏良字卿上一字
缺陳國扶樂人歷議郎符節令嘗為三老其

額曰國三老袁君碑、以永建中立在今開封扶溝

王君闕

右漢人闕銘二其一篆書曰漢故永樂少府將作賈君之闕而將作下二字缺不可識其一隸書曰漢故兗州刺史維陽令王君之闕而王君下亦缺二字

堯祠碑

右隸書不著書撰人名氏文字漫滅者多其

大略曰漢慕堯之緒祠以上犧王莽僭漢壇場夷替又曰復舊興造立靈廟以一太牢春秋秩祠陳國鄭下缺一字故太守仲又缺一字廣宗長仲選共立壇場刊碑紀德李木連理生於堯祠太守河南張寵繼擬前緒以錢二千敬致禮祠臨立壇碑時熹平四年也碑在濟陰

碑陰題名

右隸書不知其為何碑之陰無書人名氏刻石年月

張公廟碑

右隸書不著書撰人名氏字多訛缺雖事迹粗可見而不復成文其間有銘辭凡二首漢朝歌長鄭柳以和平元年為張公立碑于廟又為監黎陽營謁者李君作歌九章同刻其後有李君等題名亦訛缺不可辯矣在黎陽

碑陰題名

右凡二本皆隸書前本皆稱舊吏門生後本皆諸曹史騎吏及萬年蓮勺等鄉有秩各有

所出錢數

西嶽廟碑

右不著撰人名氏書作郭香察隸書延熹四年弘農太守袁蓬以嶽碑廟故碑磨滅改立碑作銘會遷為京兆尹後太守孫璆成之碑以延熹八年立在華嶽其後有唐人題名

孔德讓碣

右漢隸不著書撰人名氏孔君名缺德讓其字也孔子二十世孫仕至郡諸曹史碑以永

興中立在兗州孔子墓林中

孔宙碑陰

右泰山都尉孔宙碑陰題名凡六十二人其四十三人稱門生八人稱故吏一人稱故民十人稱弟子皆隸書不著書人名氏宙碑在別卷

楊震碑陰題名

右隸書不著書人名氏題名者百九十余入皆著鄉里姓字而不名在漢太尉楊震碑陰

唐君碑

右隸書不著書撰人名氏唐君名缺字正南潁川郾人歷潁陽令遷豫章竄後徙昌陽令故從事等刊石立頌中間文字或字或缺不得其詳其後又題曰處士閣字缺一班戀念唐君為立碑表蓋去思碑也光和六年立

緩民校尉熊君碑

右隸書不著書撰人名氏熊君名喬字舉上一字缺不可識後漢末為桂陽曲紅長拜

緩民校尉遷騎都尉灌陽長而卒其銘辭之
後又曰長沙茶陵長文春字季秋重安侯相
杜暉字慈明皆略有所叙述碑以建安二十
一年立

敬仲碑

右隸書不著書撰人名氏碑石刻缺其人之
名氏皆不可知而碑首有敬仲二字故以為
名其間有云拜治書侍御史又曰光和四年
卒其他不可詳也

衡方碑

右隸書不著書撰人名氏方字興祖平陸人
位至步兵校尉碑以建寧中立

俞鄉侯季子碑

右隸書不著書撰人名氏君名熊字孟之下
缺一字廣陵海西人漢之宗室父封俞鄉侯
此其德政碑也但曰來居此邦而不書其郡
縣之名不著所立年月在今揚州

堯祠祈雨碑

右孟府君克祠祈雨碑隸書不著書撰人名
氏碑以延熹中立在曹州濟陰

景君碑

右隸書不著書撰人名氏文字說缺其首曰
惟元下缺二字蓋其年號也又曰雖時有字
者不可考矣景君石槨銘附其文曰惟元初
四年三月丙戌景君卒以五年二月葬又曰
司空太常博士舉高經君為其元其後遂曰
以病喪身蓋文多說缺此其粗可見者也皆

在任城

邨門頌

右不著撰人名氏漢仇緝隸書據碑所載析
里邨閣皆地名也其他有溪水漂溢為患太
守阿陽李會使衡官掾仇審作大橋于析里
以建寧五年立此頌在興元

費鳳碑

右石勳撰隸書不著書人名氏鳳字伯蕭漢
安中歷守故鄣堂邑長勳自稱鳳舊家中孫

文悉為五字句不著所立年月

右歐陽君集古錄目一卷君名棐字叔弼
六一翁之季子也仕至太常少卿直龍圖
閣君佩趨庭之訓讀父之書據其略而目
之凡集古所藏歐陽公未嘗無說獨三体
石經置而弗論豈有所疑而未決乎叔弼
遂定作漢刻蓋為儒林傳所誤中常侍曹
騰死漢遣諫議大夫以特進印綬贈之而
此云贈騰為諫議非也其載碑碣所出如
劉熊碑在酸棗而云揚州費泥碑在湖中
而云南京則有不可盡信者

